

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

GAZTERIAREN FORU ERAKUNDEA

Administrazio Kontseiluaren 070/2026 Ebazpena, martxoaren 3koa, Arabako Foru Aldundiaren erakunde autonomoa den Gazteriaren Foru Erakunderako aldi baterako lan poltsa zabaltzeko aukeraketa-prozesurako deialdia

Kontuan hartuta GFEaren aldi baterako lan-poltsak handitu behar direla lanpostu hauetan:

- Txaluparia.
- Uretako kirol jardueretako espezialista.

Hori dela eta, enpresa batzordearekin dagokion deialdia egitea adostu da, ALHAOn bidez.

Horregatik guztiagatik, ondoko hau hartu da:

EBAZPENA

Lehenengoa. Gazteriaren Foru Erakundeko aldi baterako lan-poltsak zabaltzeko deialdia onartzea:

- Txaluparia.
- Uretako Kirol Jardueretako espezialista.

Bigarrena.- Prozesua arautuko duten oinarri orokorrak eta espezifikoak onartzea.

Hirugarrena.- Deialdi hau ALHAOn argitaratzea onartzea.

Vitoria-Gasteiz, 2026ko martxoaren 3a

Kultura eta Kirol diputatua

ANA MARIA DEL VAL SANCHO

Gazteriaren Foru Erakundearen zuzendari kudeatzailea

JUAN JOSÉ ROJO BAZÁN

GAZTERIAREN FORU ERAKUNDEKO, ARABAKO FORU ALDUNDIAREN ERAKUNDE AUTONOMOA, ALDI BATERAKO LAN-POLTSA ZABALTZEKO AUKERAKETA PROZESUA ARAUTUKO DUTEN OINARRI OROKORRAK

1. Xedea

1.1. Oinarri hauen xedea GFEko lanpostu honetako aldi baterako lan-poltsa zabaltzeko arau orokorrak ezartzea da:

- Txaluparia.
- Uretako kirol jardueretako espezialista.

1.2. Ezarritako betekizunak egiaztatzen ez dituzten izangaiak ezin izango dira inola ere lan-poltsan sartu.

2. Izangaien betekizunak

2.1. Izangaiek ondoko puntuetan azaltzen diren baldintzak bete beharko dituzte eskabideak aurkezteko epearen amaiera-egunean.

2.2. Hona hemen deialdian onartua izateko baldintzak:

a) Eskabideak aurkezteko epea bukatzen denerako Europar Batasuneko estaturen bateko nazionalitatea izatea, edo Europar Batasunak sinatu eta Espainiak berretsitako nazioarteko hitzarmenen arabera langileen joan-etorri librea aplikagarri zaion herrialderen batekoa izatea. Orobat parte hartu ahal izango dute Europar Batasuneko estatuetakoren bateko hiritartasuna dutenen ezkontideek –zuzenbidez banatuta ez badaude–, baita haien ondorengoek nahiz ezkontideenek ere, baldin eta bi ezkontideak zuzenbidez banatuta ez badaude eta ondorengo horiek hogeita bat (21) urtetik beherakoak badira edo adin horretatik gorakoak izanda ere gurasoen kontura bizi badira.

b) Eskabideak aurkezteko epea bukatzen den egunean, hamasei (16) urte beteta edukitzea eta nahitaezko erretiro-adina ez izatea.

c) Dagozkion egitekoak normal betetzea eragozten dion gaixotasun edo muga fisikorik ez izatea, alde batera utzita 29ko 1/2013 Legegintzako Errege Dekretuaren ezarpena, desgaitasuna duten pertsonen eskubideei eta haien gizarteratzeari buruzko Lege Orokorraren Testu Bategina onartzen duena.

d) Lanposturako eskatzen den titulu ofizialaren edo homologatuaren jabe izatea edo titulua lortzeko eskubideak ordainduta izatea. Atzerriko titulua izanez gero, horren homologazioa egiaztatzen duen agiria eduki beharko da.

e) Funtzio publikoak egiteko desgaituta ez egotea, ez eta edozein herri administrazioetako zerbitzutik diziiplina espediente bidez bananduta ere. Atzerritarra izanez gero, norbere estatuan funtzio publikora sartzeari galarazten duen diziiplina-zigorrik edo kondena penalik ez izatea.

f) Indarreko arautegien arabera ezintasunerako edo bateraezintasunerako lege arrazoirik ez izatea, salbu utziz haien arabera dagokion aukera eskubidea.

g) Oinarri espezifikoetan eskatzen den beste edozein betekizun.

3. Eskabideen aurkezpena

3.1. Eskabideak aurkezteko epea eta modua.

Eskabideak deialdi honen eranskinetako eredu ofizialari lotuko zaizkio. Inprimakia orrialde honetatik deskargatu ahal izango da:

<https://gazteria.araba.eus/eu/lantaria/enplegu-publikoaren-eskaintza>.

Eskatzaileek lehiaketan onartuak izan daitezen egindako eskaerak zuzendari-kudeatzaileari bidaliko zaizkio:

- Posta elektronikoaren bidez: laboral.IFJ@araba.eus.
- Aurrez aurre, GFEren bulegoetan, Landazuri kalea, 3. Behea, Vitoria-Gasteiz.

Eskaerarekin batera:

- Nortasun agiriaren fotokopia.
- Curriculum vitae.
- Eskatutako titulazioaren fotokopia.
- Alegatutako meretzimenduen egiaztagirak.

Lan eskarmentua egiaztatzeko, lanean jardundako enpresa edo administrazioen dagokien agiria aurkeztuko da. Agiri horretan kontratuaren iraupena, arduraldia eta lanpostuan egindakoak adieraziko dira. Enpresa pribatuetan egindako lanak egiaztatzeko, aurrekoek gain, Gizarte Segurantzari egindako kotizazioak aurkeztuko dira.

Gazteriaren Foru Erakundean lanean emandako denbora legatu egin behar da, baina ez dago zertan egiaztagiririk aurkeztu. Erakundeak ofizioz zenbatuko du lan denbora hori.

Gainerako herri administrazioetan edo enpresetan lanean emandako denbora egiaztatzeko, haiek horretarako zehaztuta duten egiaztagiri ereduak erabiliko da. Lanean emandako aldiak xehatuta eman behar dituzte, eta aldi bakoitzari dagozkion kategoria eta taldea adierazi beharko dira.

Halaber, hizkuntza eskakizuna egiaztatzen duen agiria aurkeztu beharko da.

Eskabideak 2026ko martxoaren 31ra arte aurkeztu ahal izango dira, egun hori barne. Behar bezala beteta eta agiri osagarriekin batera aurkeztuko dira aurretik aipatutako ataleko erregistroan, edo urriaren 1eko 39/2015 Legearen 16 artikuluan ezartzen den moduan.

4. Izangaiei onarpena. Erreklamazioak

Eskabideak aurkezteko epea bukatutakoan, zuzendaria-kudeatzaileak izangai onartuen eta baztertuen behin-behineko zerrenda onartzen duen ebazpena emango du. Ebazpen hori Gazteriaren Foru Erakundearen iragarki-taulan argitaratuko da eta egun horretatik aurrera, urriaren 1eko 39/2015 Legeak 68.1 artikuluan xedatutakoarekin bat etorritik, izangaiek hiru egun hilabete izango dituzte erreklamazioak aurkezteko gazteria eskumena duen foru diputatuari.

Erreklamaziorik aurkezten ez bada, behin-behineko zerrenda hori behin betiko bihurtuko da. Erreklamaziorik egonez gero, berriz, behin betiko zerrenda onartuko duen beste ebazpen baten bidez onetsi edo ezetsiko dira. Ebazpen hori ere adierazitako eran argitaratuko da.

5. Kalifikazio batzordea

5.1. Epaimahaiko kideak eta haien ordezkioak zuzendaria-kudeatzailearen ebazpen bidez izendatuko dira. Izendapen horiek eta onartutako eta baztertutako behin betiko zerrenda batera argitaratuko dira.

5.2. Ondokoek eratuko dute epaimahai kalifikatzailea:

- Lehendakaria bat.
- 2 mahaikideak.
- Mahaikide batek idazkari lanetan jardungo du.

5.3. Abstentzioa eta errefusatzia.

Epaimahaiko kideek uko egin beharko diote kide izateari, baldin eta urriaren 1eko 40/2015 Legearen 23. artikulua ezartzen dituen egoeraren batean badaude, eta horrela adieraziko diote deialdia egin duenari.

Era berean, horrelako egoeraren bat tarteko denean, interesatuek epaimahaikideak errefusa ditzakete edozein unetan, aipaturiko legearen 24. artikuluan ezarritakoari jarraiki.

5.4. Jarduteko arauak.

Epaimahaiak urriaren 1eko 40/2015 Legeko 15-18 artikuluetan ezartzen diren arauak lotuta jardungo du.

Erabakiak bertan dauden botoen gehiengoz hartuko dira. Epaimahaiko kide guztiek izango dute hitza eta botoa. Berdinketak lehendakariaren kalitate-botoak apurtuko ditu.

Lehendakaria eta haren ordezkioa gaixorik daudelako edo legeko beste zergatiren batengatik agertzen ez badira, epaimahaiko beste kideren bat izango da haien ordezkio. Horretarako honako lehentasun hurrenkera hau hartuko da kontuan: hierarkia, antzintasuna eta adina.

Postua hutsik dagoelako edo absentzia, gaixotasun edo beste legezko arrazoiren bat dela-eta, Idazkaria falta bada, epaimahaiko beste kide bat izango da haren ordezkotzat, epaimahaiaren gehiengoak aukeratuta.

5.5. Ahalmenak.

Epaimahaiak erabateko autonomia funtzionala izango du, eta beraren ardura izango da prozedura legezkotasunez egin dadin zaintzea eta objektibitatea bermatzea.

Halaber, ordenamendu juridikoarekin bat etorritik, oinarri hauek aplikatzean sortzen diren zalantza guztiak ebartzeko dituzten deialdia behar bezala garatzeko beharrezko diren erabakiak hartuko ditu; azkenik, oinarrietan arautzen ez diren egoeretarako, behar diren irizpideak ezarriko ditu.

5.6. Epaimahaiak jakinarazpen eta gorabehera guztietarako Gazteriaren Foru Erakundean izango du egoitza (Landazuri kalea, 3 behe. Vitoria-Gasteiz, Araba).

6. Aukeratzeko prozedura

6.1. Aukeratzeko prozedura orokorra lehiaketa izango da. Lehiaketa hori deialdiko oinarri espezifikoetan xedatutakoaren arabera egingo da.

6.2. Lehiaketa-aldia:

Epaimahaiko lehendakariak zehaztuko du dagokion epaimahaiak noiz eta zer ordutan aztertu lehiatzaileek aurkeztutako merezimenduak. Merezimendu horiek deialdiko oinarri espezifikoetan xedatutako baremoen arabera balioztatuko dira.

Urte, sei hileko edo hilabetetan egindako denboraren arabera balioztatzen diren merezimenduak ondoko era honetan balioztatuko dira: alegatutako aldi guztietako egunen batuketatik egingo da eta, hala egin ondoren, baliozko diren aldietatik beherako frakzioak ez dira aintzat hartuko. Batuketatik horretarako, urteak 365 egun naturaleko balioa izango du; sei hilekoak, 180 egun naturalekoak, eta hilabeteak, 30 egun naturalekoak. Lehiaketa-aldia ez da kanporagarria izango.

6.3. Berdinketarik gertatuz gero, hurrenkera ondoko irizpideen arabera zehaztuko da:

1. Herri administrazioan, beronek kontratatuta, oinarri hauetan adierazten direnen antzeko eginkizunak dituzten lanpostuetan, funtzionario bezala edo lan-kontratutako langile bezala –finkoa nahiz aldi baterakoa– egindako zerbitzuen atalean puntu gehien lortu duena.

2. Lanpostu honekin loturiko eginkizunetako lan-esperientziaren atalean puntu gehien lortu duena.

3. Alfabeto hurrenkera, oinarri hauek onartzean indarrean dagoen zozketa publikoan ateratako U letratik hasita. Langileak estatuko administrazio orokorraren zerbitzura sartzeko arautegi orokorrak arautzen du zozketa hori.

7. Langileen zerrenda eta aukeraketak

7.1. Merezimenduen balioespena bukatuta, epaimahaiak izangaien izenak jarriko ditu ikusgai iragarki taulan, azken puntuazioaren hurrenkerearen arabera ordenaturik.

7.2. Deialdia ebatzi eta gero, izangaiak dagokion lan-poltsaren amaieran sartuko dira. Lan-poltsa hori aldi baterako langile baharrak estaltzeko erabiliko da eta Gazteriaren Foru Erakundeak ezarritako daukan arautegiari jarraituz kudeatuko da.

8. Lan-poltsa eratzeko

Administrazio Kontseiluko lehendakariaren ebazpen bidez, gaituriko izangaiak lan-poltsa eratzeko onartuko da.

Poltsaren bidez lan egiteko deitzen bazaie, dagokion azterketa medikoa egin beharko dute GFEko prebentzio zerbitzuan. Zerbitzu horrek egiaztatuko du ez dutela karguari dagokion eginkizunak betetzea eragozten dien gaixotasunik edo akats fisikorik.

9. Gorabeherak

Sortutako zalantzak argitzeko ahalmena du epaimahaiak, baita lehiaketa behar bezala garatzeko behar dena erabakitzeko ere, oinarri hauetan nahiz legeri osagarrian xedatzen ez diren alderdiei dagokienez.

10. Aurkatzea

Oinarri hauek, deialdia bera eta horietatik zein auzitegien jardunetik datozen administrazio egintza guztiak Herri Administrazioen Araubide Juridikoaren eta Administrazio Prozedura Erki-dearen urriaren 1eko 40/2015 Legeak epe eta eratan aurkatu ahal izango dira

OINARRI ESPEZIFIKOAK**1. ARLOA: 2 EGOITZAK:**

IZENA	K. E.	D. E.	T. T.	H. E.	D. D.
Txaluparia	L/D	N	C1	2	Amaituta
Uretako kirol jardueretan espezialista	D	N	C1	2	

Laburtzapenak:

K. E.: Kontratazio Erregimena (L: lan kontratuko finkoa, D: lan kontratuko aldizkakoa).

D. E.: Dedikazio Erregimena (N: normala).

T.T.: Titulazio taldea.

HE: Hizkuntza eskakizuna.

DD: Derrigortasun data.

2. EGITEKOAK ETA BETEKIZUNAK.**TXALUPARIA**

Oinarri orokorretan ezarritako baldintzez gainera, kabotaje-patroia, portuko patroia edo antzeko titulazioa, lanpostuko eginkizunetan jarduteko gaitasuna aitortzen duena, eduki beharko du, edo titulazioa jaulkitzeko eskubideak ordainduta izan.

Lanpostu honetarako, ondoko esperientzia eta prestakuntza balioetsiko dira:

— Motor, hidraulika, abiatze motor, soldadura edo alternadorei buruzko ikastaroak.

Eginkizunak:

1. Bidaiariak nahiz salgaiak garraiatzeko ontziak erabiltzea eta zaintzea.

2. Zuhatzako uhartera aterpetzeko langileak nahiz haren erabiltzaileak eramatea.

3. Zuhatzako uhartean sartzen diren ibilgailuak eramatea: kamioiak, autoak, furgonetak, hondeatzaileak, etab.

4. Ontzien berrazterketa iraunkorra: olioak, ura, bateria, erregaia, etab.

5. Ontziak egunero garbitzea.

6. Ontzietako matxura txikiak konpontzea.

7. Lanpostuko eskakizunen barruan, zuzendaritzak agintzen dion beste edozein.

3. LEHIAKETA-ALDIA.

Epaimahaiak honako merezimenduak balioetsiko ditu, baldin eta eskabidean azaldu eta agiri bidez egiaztatu badira.

a) Administrazio publikoan funtzionario edo lan-kontratuko langile finko edo aldi baterako kontratatu gisa egindako zerbitzuak, deitutako lanposturako oinarri hauetan adierazitako eginkizunen antzeko lanpostuetan: 6 puntu gehienez, 0,15 puntu hilabete oso bakoitzeko. Administrazioan emandako zerbitzuak oinarri hauetan adierazitako eginkizunekin zati batean bat datozen lanpostuetan eta, nolanahi ere, lanbide-talde berekoak eta titulazio-maila berekoak badira, hilabete oso bakoitzeko 0,10 puntu emango dira, eta gehienez ere 2,5 puntu.

b) Lanpostu honekin zerikusia duten zereginetako lan esperientzia eta, oro har, epaimahaia-
ren iritziz izangaieen lanbide-trebakuntzari onura ekarri dioten jarduerak, baldin eta aldez aurretik balioetsi ez badira. Hauek, lanean emandako hilabete bakoitzak 0,05 punturekin balioetsiko dira, gehienez ere 2,5 puntutaraino.

c) Eskuratu nahi den lanpostuarekin zerikusi zuzena duten gaiei buruzko prestakuntza osagarria, epaimahaia-
ren iritziz lanpostuaren funtzioetan aplikatzekoa bada: gehienez 3 punturekin baloratuko da, 0,5 puntu ikastaro bakoitzeko edo 0,01 puntu ordu bakoitzeko. Ikastaro batek 50 ordu baino gehiago izan beharko ditu puntuagarria izateko. Ordu horietatik aurrera, orduko 0,01 puntu emango dira, eta LHko urteko ikastaro bat 400 ordutzat eta master bat 1.500 ordutzat hartuko dira.

Lan egin den enpresaren edo administrazioaren agiri bidez egiaztatuko dira merezimenduak. Agiri horretan egindako lanak zehaztuko dira.

4. EUSKARA.

Hizkuntza eskakizunaren egiaztapena ondoko baremoaren arabera balioetsiko da:

- 3. Hizkuntza eskakizuna: puntu 1.
- 4. Hizkuntza eskakizuna: 2 puntu.

2. EGITEKOAK ETA BETEKIZUNAK.

URETAKO KIROL JARDUERETAN ESPEZIALISTA

Oinarri orokorretan ezarritakoez gain, batxilergo titulua, lanbide heziketako gradu teknikari titulua edo parekidea eduki beharko da, C1 taldeko plazak betetzeko gaitzen duena, edo titulua emateko eskubideak ordainduta izan beharko ditu.

Betekizun espezifikak:

— Entrenatzailearen I. mailako titulazioa (edo baliokidea), espezialitate hauetan: bela (uztaila-
ren 23ko 935/2010 Errege Dekretura egokituta), piragua (urriaren 30eko 981/2015 Errege Dekretura egokituta) edo arrauna. Titulazio hori baliozkotu egingo da natura-ingurune eta aisialdiko gi-
dari-teknikariaren titulua badute, bai eta arraunketako, piraguako edo belako lanbide-moduluak dituen beste edozein titulazio baliokide edo goragokoa ere.

— Oinarrizko nabigazioko patroï titulua edo parekidea.

Eginkizunak:

1. Egunero erabiltzeko kirol materiala prestatzea: (bela, windsurfa, piragua, arrauna, etab.).
2. Eskolak emateko material pertsonala prestatzea, eskolen antolaketarekin bat etorriz.
3. Erabiltzaile taldeei eskola teorikoak eta praktikoak ematea.
4. Kirol materiala biltzea, garbitzea, mantentze lanak egitea eta konpontzea.
5. Aterpetzeko erabiltzaileei harrera egitea, ontzira arte bideratzea eta bertan lekua eskaintzea.
6. Aterpetzeko mantentze lan txikiak.
7. Aterpetzeko zerbitzuetan laguntza orokorren lan osagarriak.
8. Lanpostuaren betekizunen barruko beste edozein, zuzendaritzak aginduta.

Halaber, lanpostu honetarako ondoko esperientzia eta prestakuntza ere hartuko dira kontuan:

- Aisialdiko begiralea.
- Ur-kirolez bestelako kirol jardueretako begiralea.
- Bela-ontziko monitorea.
- Piraguako monitorea.
- Arraunketa jarduerak.
- Soroslea.

3. LEHIAKETA-ALDIA.

Epaimahaiak honako merezimenduak balioetsiko ditu, baldin eta eskabidean azaldu eta agiri bidez egiaztatu badira.

a) Administrazio publikoan funtzionario edo lan-kontratuko langile finko edo aldi baterako kontratatu gisa egindako zerbitzuak, deitutako lanposturako oinarri hauetan adierazitako eginkizunen antzeko lanpostuetan: 6 puntu gehienez, 0,15 puntu hilabete oso bakoitzeko. Administrazioan emandako zerbitzuak oinarri hauetan adierazitako eginkizunekin zati batean bat datozen lanpostuetan eta, nolanahi ere, lanbide-talde berekoak eta titulazio-maila berekoak badira, hilabete oso bakoitzeko 0,10 puntu emango dira, eta gehienez ere 2,5 puntu.

b) Lanpostu honekin zerikusia duten zereginetako lan esperientzia eta, oro har, epaimahaiaren iritziz izangaiei lanbide-trebakuntzari onura ekarri dioten jarduerak, baldin eta aldezturik balioetsi ez badira. Hauek, lanean emandako hilabete bakoitzak 0,05 punturekin balioetsiko dira, gehienez ere 2,5 puntutaraino.

c) Eskuratu nahi den lanpostuarekin zerikusi zuzena duten gaiei buruzko prestakuntza osagarria, epaimahaiaren iritziz lanpostuaren funtzioetan aplikatzekoa bada: gehienez 3 punturekin baloratuko da, 0,5 puntu ikastaro bakoitzeko edo 0,01 puntu ordu bakoitzeko. Ikastaro batek 50 ordu baino gehiago izan beharko ditu puntuagarria izateko. Ordu horietatik aurrera, orduko 0,01 puntu emango dira, eta LHko urteko ikastaro bat 400 ordutzat eta master bat 1.500 ordutzat hartuko dira.

Lan egin den enpresaren edo administrazioaren agiri bidez egiaztatuko dira merezimenduak. Agiri horretan egindako lanak zehaztuko dira.

4. EUSKARA.

Hizkuntza eskakizunaren egiaztapena ondoko baremoaren arabera balioetsiko da:

- 3. Hizkuntza eskakizuna: puntu 1.
- 4. Hizkuntza eskakizuna: 2 puntu.

**ONARTUA IZATEKO ESKABIDEA**

Gazteriaren Foru Erakundeko (Arabako Foru Aldundiaren organismo autonomoa) ALDI BATERAKO LAN-POLTSAK zabaltzeko
AUKERAKETA-PROZESURAKO DEIALDIA – 2026ko MARTXOA

SOLICITUD DE ADMISIÓN

CONVOCATORIA DEL PROCESO SELECTIVO para la ampliación de las BOLSAS DE TRABAJO TEMPORAL al servicio del
Instituto Foral de la Juventud, organismo autónomo de la Diputación Foral de Álava – MARZO 2026

Nahi duen lanpostua / Plaza a la que aspira		
Txaluparia / Barquero/a	Uretako Kirol Jardueretako Espezialista Especialista de Actividades Deportivas Acuáticas	
1. abizena / 1 ^{er} apellido	2. abizena / 2 ^o apellido	Izena / Nombre
NAN/ DNI	Tel. 1	Tel. 2
Helbidea / Domicilio		
Herria / Población	Lurraldea / Provincia	PK/ CP
Posta elektronikoa / Correo electrónico		

Goian bere datu pertsonalak jarri eta behean izenpetzen duenak, eskabide honetan adierazitako hautaprobetarako onartua izatea eskatzen du; eta aitortzen du eskabide honetan jarritako xehetasun guztiak egiazkoak direla eta deialdiaren oinarrietan eskatutako baldintza guztiak betetzen dituela.

La/El abajo firmante, cuyos datos personales figuran en el encabezado de esta instancia, solicita ser admitida/o a las pruebas selectivas a que se refiere la presente solicitud y declara que son ciertos todos los datos consignados en esta instancia y que reúne todas las condiciones exigidas en las bases de la convocatoria

Vitoria–Gasteiz,

SINADURA / FIRMA

Oharra: Eskatzaileak emandako datu pertsonalak fitxategi automatizatu batean jasoko dira eta behar duten babes maila emango zaie; izan ere, datu horiek eskatzaileak parte hartu nahi duen hautaketa-prozesua kudeatzeko baino ezin izango dira erabili, Europako Parlamentuaren eta Kontseiluaren 2016ko apirilaren 27ko 2016/679 ERREGELAMENDUA eta, DATU PERTSONALEN BABESARI ETA ESKUBIDE DIGITALEN BERMEEI buruzko abenduaren 5eko 3/2018 Lege Organikoan xedatutakoaren arabera.

Nota: Los datos de carácter personal suministrados por la/el solicitante, serán incorporados a un fichero automatizado y tratados con el grado de protección adecuado, únicamente a efectos de gestión del procedimiento selectivo en el que solicita ser admitida/o, conforme a lo dispuesto por REGLAMENTO (UE) 2016/679 DEL PARLAMENTO EUROPEO Y DEL CONSEJO de 27 de abril de 2016 y la LEY ORGÁNICA 3/2018, de 5 de diciembre de PROTECCIÓN DE DATOS PERSONALES Y GARANTÍAS DE LOS DERECHOS DIGITALES

GAZTERIAREN FORU ERAKUNDEA / INSTITUTO FORAL DE LA JUVENTUD

Joaquín José Landázuri, 3 - 01008 VITORIA-GASTEIZ